

Sauniuni mo le Konafesi Aoao

Ina ua asiasi atu Iesu Keriso i sa Nifae, sa Ia valaaulia i latou e saunia o latou mafaufau e faalogo ma malamalama i Lana savali (tagai i le 3 Nifae 17:3). Vaai faalemafaufau pe faape'i ou aafiaga o le konafesi aoao pe afai e faapena foi ona e faia.

1. Suesue i punaoa nei, ma vaavaai mo auala e mafai ona e saunia ai oe lava ia maua savali a le Alii i le konafesi aoao. Atonu e te manao e faailoga upu anoa ma fasifuitau e tulaga ese ia te oe.

Mosaea 2:9; Mataupu Faavae ma Feagaiga 88:63.

Na aoao mai Peresitene Russell M. Nelson:



Mai lenei pulelaa i le asō ma taeao, o le a faaauau ai pea ona outou faafofoga i upumoni. Faamolemole ia tusi i lalo ni mafauauga e ta'a'ina i ai lou gauai ma mea e oo atu i lou mafaufau ma tumau ai i lou loto. Ōle atu i le Alii i le agaga tatalo e faamautu mai le moni o mea ua e faalogo i ai. (Russell•M. Nelson, "O Le A Le Mea e Moni?," Liahona, Nov. 2022, 30)

Sa aoao mai Peresitene Henry•B. Eyring o le Au Peresitene Sili:



Ou te iloa o auauna a le Atua o le a saunoa atu ia te outou i lenei konafesi. Ua valaauina i latou e le Atua e tuuina atu savali i Ana fanau. Na fetalai le Alii e uiga ia i latou: "O le mea ua fai atu ai a'u le Alii, ua ou fai atu ai lava, ma ou te le faatoese ai lava a'u; ma e ui ina mavae atu le lagi ma le lalolagi, a e le mavae atu lava la'u upu, a o le a faataunuuina lava, pe fai atu i lo'u lava leo po o le leo o a'u auauna, ua tusa lava ia" [Mataupu Faavae ma Feagaiga 1:38].

E te faaalua lou faalagolago ia te la pe a e faalogo ma le faamoemoe e aoao mai ai, ia salamo ona e alu lea ma faia soo se mea ua la poloai mai ai. Afai e lava lou faalagolago i le Atua e faalogologo ai i Lana savali i lauga uma, pese, ma tatalo i lenei konafesi, o le a e mauaina. Ma afai loa e te alu ma faia le mea ua la finagalo e te faia, o le a faatupulaia lou mana e faalagolago ai ia te la ma o le a oo mai le taimi, o le a lofituina oe i le loto faafetai ina ua e iloa ua la faalagolagoina oe. (Henry B. Eyring, "Faalagolago i le Atua, Ona e Alu Ai Lea ma Fai," Liahona, Nov. 2010, 73)

Sa aoao mai Peresitene Dieter•F. Uchtdorf, o le sa avea ma uso o le Au Peresitene Sili:



Ao e sauni mo le konafesi aoao, ou te valaaulia oe e mafaufau loloto i fesili e te manaomia ona taliina. Mo se faataitaiga, atonu e te naunau i se taiala ma se taitaiga mai le Alii e faatatau i ni luitau o loo feagai ma oe.

O tali i au tatalo patino e ono oo sao mai lava i se saunoaga faapitoa po o se fasifuitau patino. I nisi o taimi atonu e oo mai tali e ala mai i se upu, fasifuaiupu, po o se pese e foliga e leai se sootaga ma fesili. O se loto ua faatumulia i le agaga faafetai mo faamanuiaga o le olaga ma se naunautaga faamaoni e faalogo ma mulimuli i upu o le fautuaga o le a saunia ai le ala mo faaaliga patino. (Dieter•F. Uchtdorf, "Konafesi Aoao—E le o se Faamanuiaga Masani," Ensign, Sete. 2011, 4)

2. Mai mea sa e suesueina, fai se lisi o auala e mafai ona e saunia ai e faalogo i le siufofoga o le Alii i le konafesi aoao.
3. Lisi nisi o auala e mafai ona e saunia ai e faalogo i le siufofoga o le Alii i le konafesi aoao.